

VENDIM
Nr.275, datë 15.3.2008

PËR SHPALLJEN E GJENDJES SË EMERGJENCËS CIVILE NË BASHKINË E VORËS, NË KOMUNAT KASHAR E PREZË, TË QARKUT TË TIRANËS, DHE NË KOMUNAT MAMINAS, MANZË DHE BUBQ TË QARKUT TË DURRËSIT

Në mbështetje të nenit 100 të Kushtetutës dhe të neneve 5, shkronja “c”, e 6, të ligjit nr.8756, datë 26.3.2001 “Për emergjencat civile”, me propozimin e Kryeministrit, Këshilli i Ministrave

VENDOSI:

1. Shpalljen e gjendjes së emergjencës civile, si pasojë e aksidentit teknologjik, të ndodhur sot më 15.3.2008, në fshatin Gërdec, bashkia Vorë, që ka dëmtuar, përkatësisht, bashkinë e Vorës dhe komunat Prezë e Kashar të qarkut të Tiranës, dhe komunat Maminas, Manzë e Bubq të qarkut të Durrësit.

2. Krijimin e Komitetit Ndërmintor të Emergjencave Civile, të kryesuar nga zëvendëskryeministri, i cili në përbërje të ketë këta anëtarë:

- Ministrin e Punëve të Jashtme;
- Ministrin e Brendshëm;
- Ministrin e Mbrojtjes;
- Ministrin e Financave;
- Ministrin e Punëve Publike, Transportit dhe Telekomunikacionit;
- Ministrin e Shëndetësisë;
- Ministrin e Punës, Çështjeve Sociale dhe Shanseve të Barabarta;
- Ministrin e Bujqësisë, Ushqimit dhe Mbrojtjes së Konsumatorit.

3. Komiteti Ndërmintor i Emergjencave Civile të marrë masat urgjente, për t'i ardhur në ndihmë popullatës së zonave të prekura dhe për eliminimin, sa më shpejt, të dëmeve materiale.

4. Komiteti të bashkërendojë punën me të gjitha institucionet dhe organizmat kombëtarë e ndërkombëtarë, që kanë ofruar ndihmën e tyre materiale dhe shëndetësore.

Ky vendim hyn në fuqi menjëherë.

KRYEMINISTRI
Sali Berisha